

Vaviseko emirini kumbe Tirhiselo ra mali ya Vutsoniwa leswi Vekiweke hi Khomixinara

Tshwane, 29 Nhlangua 2021 – Khomixinara wa Vukorhokeri bya Xibalo bya Afrika-Dzonga (SARS) u pfumeleriwile hi nawu ku humesa nongonoko wa tirhiselo ra mali ya vutshunguri leswi byarhiwaka no hakeriwa hi munhu enkarhini wa lembe ra nhlaluvo tanihi mbuyelo wa vaviseko wun'wana na wun'wana emirini kumbe vutsoniwa lebyi xanisaka munhu kumbe muhlayisiwa un'wana na un'wana wa munhu (Nongonoko wa Vutsoniwa).

Nongonoko wa Vutsoniwa wu engeteriwile leswintshwa endzhaku ka phurosepe ya mbhurisano lowu engeteriweke na vaaki ku sukela hi ti1 Nyenyankulu 2020 (“Nongonoko wa Vutsoniwa wa 2020”). Ku sukela eka xiphemu lexi nga landzela xa 2020, SARS yi lemukile swivilelo swa vaaki mayelana na cinco eka maendlelo mo hlayela **tihakelo ta vutshunguri leti ringaneleke mayelana na tihakelo ta xikolo.**

Hi mhaka ya xivangelo lexi, endzhaku ka mbhurisano, SARS yi tekile xiboho **xo tihelala eka endlelo ro hlayela tihakelo ta vutshunguri leti ringaneleke mayelana na tihakelo ta xikolo tanihileswi a swi vekisiwe xiswona eka Nongonoko wa Vutsoniwa wa 2020.** Ku cinco loku ku ta sungula ku tirha hi ti1 Nyenyankulu 2020. Marito eka **Xiphemu xa F, tindzimana 7 na 8** ta Nongonoko lowu Pfuxetiweke wa 2020 sweswi swi hlayeka hi ndlela leyi landzelaka:

7. Swikolo swa dyondzo yo hlawuleka swa vana lava nga na vutsoniwa. Tihakelo leti ringaneleke ti ta katsa –

- **mpfuneto wa swa xikolo kumbe tihakelo ta kamaradyondzo; na**
- **tihakelo ta xikolo ti pimeriwile eka ntsengo wo hundza mpimo wa tihakelo leti a ti fanele ku hakeriwa loko munhu a ngenile eka xikolo xa mani na mani lexi hakelaka hakelo ya le kusuhi handle ko kongomisa eka vadyondzi lava nga na swilaveko swa dyondzo swo hlawuleka.**

8. Swikolo leswi nga kongomisangiki eka vadyondzi lava nga swilaveko swa dyondzo swo hlawuleka, swi pimeriwile eka tihakelo to engetelela leti byarhiweke no hakeriwa tanihi mbuyelo wa vutsoniwa.

Nongonoko wa Vutsoniwa wa 2020 wu hundzuluxiwile naswona wu humesiwile eka webusayiti ya SARS hi ti **29 Nhlangua 2021. Wu nga fikeleriwa hi ku tlilika** eka linki leyi: <https://www.sars.gov.za/types-of-tax/personal-income-tax/tax-and-disability/>.

U komberiwa ku tsundzuka leswaku vahakelaxibalo lava khumbhekeke hi micinco leyi i vahakelaxibalo lava nga na vana lava hanyaka na vutsoniwa lava ngenaka swikolo swa phurayivhete swa lava nga na swilaveko swo hlawuleka.

Vahakelaxibalo lava khumbekeke lava se va nga rhumela ntlheriso wa xibalo xa malinghena wa 2021 va komberiwa ku nghena eka phurofayili ya vona ya eFiling kumbe va endzela hofisi ya rhavi ra SARS ya le ka vona (hi xitshembisano ntsena) ku ya:

- 'kombela ndzulamiso' (RFC); kumbe
- vika nkaneto*.

Mihlawulo leyi yi pfuneta muhakelaxibalo ku koxa mbuyelo wo engetela tanihileswi swi andlariweke eka Nongonoko wa Vutsoniwa wa 2020

* Muhakelaxibalo u fanele a vika nkaneto ntsena loko nhlawulo wa RFC wu nga ri kona eka lembe ra nhlahluvo ra 2021.

Mayelana na vuxokoxoko byo tala tihlanganise na SarsMedia@sars.gov.za